

山海經第四

晉 郭璞傳

明 吳瑄校

東山經

東山經之首曰檄蟲之山二速音株北臨乾昧也亦音山名食

水出焉而東北流注于海其中多鱮鱮之魚容音其狀

如犂牛文牛似虎者其音如彘鳴

又南三百里曰藟山誅音其上有玉其下有金湖水出

焉東流注于食水其中多活師謂科斗也爾雅

又南三百里曰枸狀之山其上多金玉其下多青碧

山海經 卷之四 乙

石有獸焉其狀如犬六足其名曰從從其鳴自詒有

鳥焉其狀如雞而鼠毛其名曰蜚鼠咨音見則其邑大

旱沢水出焉枳音而北流注于湖水其中多箴魚其狀

如儵其喙如箴出東海中亦有之食之無疫疾

又南三百里曰勃叄之山無草木無水

又南三百里曰番條之山無草木多沙滅水出焉同音

減損北流注于海其中多鰓魚一名黃頰音感

又南四百里曰姑兒之山其上多漆其下多桑柘姑

兒之水出焉北流注于海其中多鰓魚

又南四百里曰高氏之山其上多玉其下多箴石以可

為砥針治
癰腫者

諸繩之水出焉東流注于澤其中多金玉

又南三百里曰嶽山其上多桑其下多檇灤水出焉

樂音東流注于澤其中多金玉

又南三百里曰狔山其上無草木其下多水其中多

堪孺之魚音未詳有獸焉其狀如夸父而彘毛其音如

呼見則天下大水

又南三百里曰獨山其上多金玉其下多美石末塗

之水出焉而東南流注于沔其中多倮螭條音容其狀

如黃蛇魚翼出入有光見則其邑大旱

又南三百里曰泰山即東嶽岱宗也今在泰山奉高縣西北從山下至頂四十八里

山海經

卷之四

二

三百步也其上多玉其下多金有獸焉其狀如豚而有珠

名曰狢狢音如吟其名自訶環水出焉東流注于江

一作海其中多水玉

又南三百里曰竹山錔于江一作涯無草木多瑤碧激

水出焉而東南流注于娶檀之水其中多苾羸

凡東山經之首自檄蠡之山以至于竹山凡十二山

三千六百里其神狀皆人身龍首祠毛用一犬祈聃

用魚以血塗祭為聃也公羊傳云蓋叩其鼻以聃社音鈎餌之餌

東次二經之首曰空桑之山此山出琴瑟也北臨食水

東望沮吳南望沙陵西望潛澤音旻有獸焉其狀如牛

而虎文其音如欽

或作吟

其名曰軫軫靈音

其鳴自叫見

則天下大水

又南六百里曰曹夕之山其下多穀而無水多鳥獸

又西南四百里曰嶧臯之山音亦其上多金玉其下多

白堊嶧臯之水出焉東流注于激女之水其中多蜃

珧蜃屬蚌也遙音亦

又南水行五百里流沙三百里至于葛山之尾無草

木多砥礪

又南三百八十里曰葛山之首無草木澧水出焉禮音

東流注于余澤其中多珠螿魚音鱓其狀如肺而有目

山海經 卷之四

三

六足有珠其味酸甘食之無癘無時氣病也呂氏春

朱螿珠魚之美也

又南三百八十里曰餘峩之山其上多梓柟其下多

荆芑雜余之水出焉東流注于黃水有獸焉其狀如

菟而鳥喙鴟目蛇尾見人則眠言佯也名曰狢狢仇餘音

其鳴自訶見則螽蝗為敗螽蝗類也言傷

又南三百里曰杜父之山無草木多水

又南三百里曰耿山無草木多水碧亦水類多大蛇有

獸焉其狀如狐而魚翼其名曰朱孺音儒其鳴自叫見

則其國有恐

又南三百里曰盧其之山無草木多沙石沙水出焉
南流注于涔水其中多鸞鵠黎音其狀如鴛鴦而人足

其鳴自訶見則其國多土功似今鵠胡足頗有
人腳形狀也

又南三百八十里曰姑射之山無草木多水

又南水行三百里流沙百里曰北姑射之山無草木
多石

又南三百里曰南姑射之山無草木多水

又南三百里曰碧山無草木多大蛇多碧水玉

又南五百里曰維氏之山無草木多金玉原水出焉

東流注于沙澤氏一曰山俠

山海經

卷之四

四

又南三百里曰姑逢之山無草木多金玉有獸焉其

狀如狐而有翼其音如鴻鴈其名曰獬獬斃音見則天

下大旱

又南五百里曰鳧麗之山其上多金玉其下多箴石

有獸焉其狀如狐而九尾九首虎爪名曰蠶姪龍音

其音如嬰兒是食人

又南五百里曰磈山真音一反南臨磈水東望湖澤有獸

焉其狀如馬而羊目四角牛尾其音如獐狗其名曰

袞袞倣音見則其國多狡客狡也有鳥焉其狀如鳧而

鼠尾善登木其名曰絜鈎見則其國多疫

凡東次二經之首自空桑之山至于礪山凡十七山
六千六百四十里其神狀皆獸身人面載觚麋鹿屬

音格其祠毛用一鷄祈嬰用一璧瘞

又東次三經之首曰尸胡之山北望殫山音詳其上多

金玉其下多棘有獸焉其狀如麋而魚目名曰嬰胡

音婉其鳴自訶

又南水行八百里曰岐山其木多桃李其獸多虎

又南水行五百里曰諸鈞之山無草木多沙石是山

也廣員百里多寐魚音即味魚

又南水行七百里曰中父之山無草木多沙

山海經 卷之四

又東水行千里曰胡射之山無草木多沙石

又南水行七百里曰孟子之山其木多梓桐多桃李

其草多菌蒲未詳音彌其獸多麋鹿是山也廣員百

里其上有水出焉名曰碧陽其中多鱣鮪鮪即鱣也

鼻體無鱗甲別名鰓鱣體無鱗甲別名

又南水行五百里曰流沙行五百里有山焉曰跂踵

之山音企廣員二百里無草木有大蛇其上多玉有

水焉廣員四十里皆涌今河東汾陰縣有深澗水限在

此類其名曰深澤其中多蠪龜蠪彩似瑇瑁而薄音

遺知有魚焉其狀如鯉而六足鳥尾名曰鯨鯨之魚

蛤音其名自叫

又南水行九百里曰踰隅之山字音敏其上多草木多

金玉多赭有獸焉其狀如牛而馬尾名曰精精其鳴

自叫

又南水行五百里流沙三百里至于無臯之山南望

幼海東即少海也淮南子曰東望樽木扶桑二音無草木多

風是山也廣員百里

凡東次三經之首自尸胡之山至于無臯之山凡九

山六千九百里其神狀皆人身而羊角其祠用一牡

羊米用黍是神也見則風雨水為敗

山海經 卷之四

又東次四經之首曰北號之山臨于北海有木焉其

狀如楊赤華其實如棗而無核其味酸甘食之不瘡

食水出焉而東北流注于海有獸焉其狀如狼赤首

鼠目其音如豚名曰獨狙葛二音是食人有鳥焉其狀

如雞而白首鼠足而虎爪其名曰魍音祈雀亦食人

又南三百里曰旄山無草木蒼體之水出焉而西流

注于展水其中多鱣魚今作蝦鱣秋音其狀如鯉而大

首食者不疣

又南三百二十里曰東始之山上多蒼玉有木焉其

狀如楊而赤理其汁如血不實其名曰芑起音可以服

馬以汁塗良泚水出焉而東北流注于海其中多美

貝多苾魚其狀如鮒一首而十身其臭如蘼蕪食之

不糲孚謂反止失氣也

又東南三百里曰女烝之山其上無草木石膏水出

焉而西注于鬲水其中多薄魚其狀如鱸魚而一目

其音如歐如人嘔吐聲也見則天下大旱

又東南二百里曰欽山多金玉而無石師水出焉而

北流注于臯澤其中多鱧魚多文具其狀如

豚而有牙其名曰當康其鳴自叫見則天下大穰

又東南二百里曰子桐之山子桐之水出焉而西流

山海經 卷之四

注于餘如之澤其中多鰮魚滑音其狀如魚而鳥翼出

入有光其音如鴛鴦見則天下大旱

又東北二百里曰剡山多金玉有獸焉其狀如彘而

人面黃身而赤尾其名曰合窳庾音其音如嬰兒是獸

也食人亦食蟲蛇見則天下大水

又東二百里曰太山上多金玉楨木女楨也冬不凋有獸

焉其狀如牛而白首一目而蛇尾其名曰蜚音翠如翡翠

行水則竭行草則死見則天下大疫言其體含災氣也

為名體似無害所經枯竭甚於鳩厲萬物斯懼思爾遐逝 鈎水出焉而北流注于

勞水其中多鱧魚

凡東次四經之首自北號之山至于太山凡八山一
千七百二十里

右東經之山志凡四十六山萬八千八百六十里

山海經

卷之四

八

山海經第四 終